

Ut autem haec rata permaneant praesentem kartam conscribi fecimus et sigilli nostri testimonio roborari. Testes huius rei sunt Thimo de Otolfestorf, Thimo de Cygerowe, Berchtherus dictus List et Meinherus et Cunradus nostri scriptores, Gotschalcus dictus Smol, Wernherus de Borc, Heinricus de Monte, Theodericus de Grimmis et alii quam plures. Datum Lipz anno domini M^o.CC^o.LXIII^o. III^o Kalend. Februarii, indictione VI^a.

Nach dem Orig. im Rathsarchiv zu Leipzig mit dem zerbrochenen Reitersiegel des Markgrafen an Fäden von grüner und gelber Seide.

Peifer Memorabb. Lipsiens. p. 128. — Schneider Chron. Lips. p. 224. — Vogel Leipz. Annal. S. 29.

No. 6. 1268. 1. März.

Markgraf Dietrich von Landsberg verspricht den fremden nach Leipzig kommenden Kaufleuten unbedingte Sicherheit für ihre Personen und Güter, selbst für den Fall eines Krieges mit ihren Landesherren.

Theodericus dei gratia marchio de Landisberch universis, quibus exhibitum fuerit praesens scriptum, salutem et omne bonum. Multitudo tractatum et varietas temporum sic humanam infirmant memoriam, ut ea, quae humanis geruntur sensibus, plerumque oblivionis obfuscantur caligine, nisi scripturarum testimonio et subscriptione testium fuerint stabilita. Nos igitur ad perpetuam memoriam omnium futurorum recognoscimus et tenore praesentium publice protestamur, quod dilectis nobis civibus de Lypzk, quos speciali prosequimur gratia et favore, necnon in honorem civitatis nostrae Lypzk iam dictae speciale dedimus privilegium libertatis, ita videlicet quod omnes mercimonia habere volentibus vel habentibus in civitate nostra iam dicta, undecunque fuerint mercatores, etiam si nos cum dominis dictorum mercatorum¹⁾ manifestam werram habere contigerit, in ipsa nostra civitate non molestabimus seu bona ipsorum occupabimus vel occupari ab aliquo patiemur. Ipsos enim mercatores, quicumque fuerint, qui nostram civitatem iam dictam et nos in hoc honoraverint, quod mercimonia ad ipsam civitatem duxerint, quantum possumus protegere volumus et tueri. Ut autem id, quod liberaliter facimus, firmum et stabile perpetuo maneat et ut nullo oblivionis scrupulo valeat obfuscarı, praesentem litteram sigilli nostri munimine fecimus roborari. Huius rei testes sunt nobilis vir dominus O. de Lodeburch, dominus Wychandus de Hersteyn, dominus C. de Luppe, dominus Th. de Otolvisdorf, Cunradus notarius et alii quam plures fide digni. Datum Lypzk anno domini M^o CC^o LXVIII^o. Kalendas Martii.

Nach dem Orig. im Rathsarchiv zu Leipzig. Das an Fäden von rother und gelber Seide befestigt gewesene Siegel ist abgefallen.

Peifer Memorabb. Lipsiens. p. 213. — Schneider Chron. Lips. p. 354. — Vogel Leipz. Annales S. 30.

1) Im Orig. nochmals *nos*.